



Molemo wa ga Maṭodzi

Tshedza Tlhako

Busisiwe Ndlovu





Go kile ga bo go le mosetsana a bidiwa Maṭodzi.
Maṭodzi o ne a nna le mmaagwe le nkokoagwe
mo motseng.



Letsatsi lengwe mmaagwe Maṭodzi a mo kopa go isa molaetsa kwa go mmangwaneagwe kwa motseng o mongwe.

"Latela tsela e re e tlwaetseng," mmaagwe a gakolola Maṭodzi.



Maṭodzi a sala morago tsela e e tlwaelegileng go ya kwa ntlong ya ga mmangwaneagwe, mme a fitlhisla molaetsa.

Fa a le mo tseleng go ya gae, a utlwa lentswe le le kwa tlase gaufi le re, "Ke kopa o nthuse."



Go boela gae Matodzi a tshoganyediwa ke mme a wele fa thoko ga tsela.

O ne a goa ka mogopolo wa gere mongwe a ka thusa. Ga go a ka nna jalo.



Mme a tlhaosa fa a lwala e bile a le kgakala le legae.

Maṭodzi a mo utlwela botlhoko.



O ne a re go mme, "Ke tla go tseela kwa legaeng la me ka bogaufi."

Maṭodzi a thusa mme go emelela. Ba tsamaya ka iketlo go fitlha ba goroga.



Matodzi a totobela le ene kwa gaabo. Ene, mmagwe le nkokoagwe ba mo tlhokomela go fitlha a tokafala.



Morago ga go tokafala o ne a leboga thata.

O ne a tlotlomatsa Maṭodzi ka go nna pelokgale le molemo.



Mme o ne a bolelela Maṭodzi le balelapa la gagwe a re, "Nka se lebale seo le ntiretseng sona."

"Ke kopa gore morago ga malatsi a le mararo, le be le mpolelela gore nka le direla eng."



Morago ga malatsi a mararo, Maṭodzi, le mmaagwe le kokoagwe ba dira dikeletso tse pedi.

Keletso ya bone ya ntlha e ne e le go nna le ntlo e kgolo.



Keletso ya bobedi e ne e le go nna le sekgwa
gaufi le ntlo gore ba se tihole ba ya go rwalela
dikgong.

Dikeletso tsa bona tsa diragala, fela jaaka ne
mme a boletse.



Maṭodzi le balelapa la gagwe ba tshela ka boitumelo mo ntlong ya bona gaufi le sekgwa.



Ulwazi Lwethu is a Zenex Foundation funded and initiated project to develop a series of graded and leisure African language readers and teacher support materials. This project is targeted at teaching and supporting learners in the Foundation Phase to improve their home language reading and understanding. The readers have been originated in nine African languages in collaboration with Molteno Institute for Language and Literacies, Nelson Mandela Institute for Education and Rural Development, Room to Read South Africa, and Saide. All resources are developed as Open Education Resources (OER).

**basic education**Department:
Basic Education
REPUBLIC OF SOUTH AFRICA

*The Ulwazi Lwethu readers and storybooks have
been quality assured and approved by DBE.*

Your attribution should include the following:

Title: Molemo wa ga Maṭodzi

Author/s: Tshedza Tlhako

Translator/s: Dineo Moatshe

Illustrator/s: Busisiwe Ndlovu

Assurer/s: Opelo Thole

Language: Setswana



© Zenex Foundation - Saide 2025 (Updated Edition)

CC BY includes the following elements:

BY – Credit must be given to the creator

